



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

5. Venerabilibus fratribus &c. Concessio Privilegiorum pro nonnullis suis
familiaribus.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1701.
Executores
deputat Cardinales V.
Cancellarium, & Camerarium, & A. C.

tanter contigere attentari. Quocirca Dilectis filiis nostris ejusdem S. R. E. Vicecancellario, & Camerarios & Causarum Curie Camerae Apostolicae Generali Auditori per praesentes motu pari committimus, & mandamus, quatenus ipsi, vel duo, aut unus eorum per se, vel alium, seu alios, eadem praesentes literas, & in eis contenta quaecumque ubi, & quando opus fuerit, & quoties pro parte praedictorum Votantium, seu alicujus eorum, vel aliorum interesse in praemissis pro tempore habentium desuper fuerint requisiti, solemniter publicantes: illisque in praemissis efficacis defensionis praesidio assistentes, faciant auctoritate nostra ipsas praesentes literas, & in eis contenta hujusmodi, ab omnibus, & singulis, ad quos spectat, & pro tempore spectabit, inviolabiliter observari, ipsosque modernos, & pro tempore existentes Votantes, & alios, quos eadem literae concernent in futurum, praesentium literarum, & in eis contentorum eorundem commodo, & effectu pacifice frui, & gaudere, non permittentes illos, sed eorum quempiam desuper quomodolibet indebitè molestari, perturbari, inquietari, vel impediri: Contradictores quoslibet, & Rebelles per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, sententias, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis: Non obstantibus fel. rec. Bonifacii PP. VIII. praedecessoris nostri de una, & in Concilio Generali edita de duabus dietis, dummodo ultra tres dietas aliquis auctoritate praesentium in judicium non trahatur, ac quatenus opus sit, de praestando consensu in partitionibus, aliisque Constitutionibus, & Ordinationibus Apostolicis, necnon quibusvis etiam juramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis illorum tenores praesentibus pro plenè, & sufficienter expressis, & ad verbum insertis habentes, illis aliis in suo robore permanens, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque. Datum Romae apud S. Petrum sub Annulo Piscatoris die xxviii. Martii MDCCI. Pontificatus Nostri Anno Primo.

F. Oliverius.

CONCESSIO

Privilegiorum pro nonnullis suis familiaribus.

CLEMENS PAPA XI.

Venerabilibus fratribus Thomae Ruffo Niczano Cubiculi nostri Praefecto, Ulyssi Josepho Gozzadino Theodosien. Archiepiscopo, Literarum nostrarum in forma Brevis, quae ad Principes scribuntur, Secretario, necnon Dilectis filiis Magistro Carolo Columnae Romano Palatii nostri Praefecto, Joanni Dominico Paracciano Romano Auditori nostro, & Curtio Origo Romano in utroque Signatura nostra Referendariis, libellorum supplicum Nobis porrektorum Secretario Praelatis domesticis nostris, ac Fabio de Abbatibus Oliverio Pisaren. Brevium nostrorum secretorum Secretario, Bartholomaeo Maffei Montispolitianen. Pincerna, Antonio Mariae Raspono Ravenmaten., Rodulpho ex Comitibus Montis Veteris Fanen.,

Paulo Ubaldino Civitatis Castellii, Nicolao Salla Romano, Alexandro Bonaventurae Urbinaten. Vestriario, & Eleemosynario secreto, Guido Passioneo Forofempronien. notarum arcanarum Secretario, Joanni Mariae Lancisio Romano Medico secreto, Cubicularis intimis, seu secretis, & Urbano Roccio Romano Floreorio majori itidem Cubiculatione secreto, necnon Petro Marcellino Corradino Terracinen. Subdatario. Ac Joanni Paulo de Sanctis Camerinen. Caudatario, Petro Severii Feretran., Bartholomaeo Fantono Urbinaten., Ludovico Marocco Romano, Cappellanis secretis, necnon Fabricio Felici Urbinaten., ac Josepho Miganzi Sarlinatem., Francisco de Magistris Romano, Marino Severi Feretran., & Marco Antonio Adriani Romano respectivè Civitatum, vel Dioecesium Clericis, seu Presbyteris, vel Laicis Cubiculi nostri adjutoribus, familiaribus continuis Commensalibus nostris salutem, & Apostolicam benedictionem. Circumspecta Romani Pontificis gratiarum dispensatoris providentia devotos, & fideles suos, illos praesertim, qui grata familiaritatis obsequia jugiter ei impendunt ac, quos ad id aliis propria virtutum merita commendant, honoris, & famae amplioribus praeconiis, ac praeclearis dignitatum titulis decorare, & ornare, necnon specialis benevolentiae favoribus amplecti solet, prout personatum qualitatibus conspici convenire. Hinc est, quod nos ad grata familiaritatis obsequia, quae vos, qui etiam continui commensales nostri existitis, & quilibet vestrum Nobis hactenus impendistis, & adhuc sollicitis studiis impendere non desistitis, necnon ad vitae, ac morum honestatem, aliaque laudabilia probitatis, & virtutum merita, quibus personas vestras etiam familiari experientia juveni percepimus, condignam rationem habentes, ac propterea eadem personas vestras peculiaris favore gratiae, ac specialis honoris, & excellentiae dignitatis titulo sublimare volentes, vosque, & quemlibet vestrum a quibusvis excommunicationis, suspensionis, & interdicti, aliisque Ecclesiasticis sententias, censuris, & poenis à jure, vel ab homine quavis occasione, vel causa latis, si quibus quomodolibet innodati existitis, ad effectum praesentium dumtaxat consequens, harum serie absolventes, & absolutos fore censentes; Motu proprio, non ad vestram, vel alterius pro vobis super hoc oblatae petitionis instantiam, sed de mera liberalitate, & certà scientiâ nostris, ac de Apostolica potestatis plenitudine vos, & quemlibet vestrum respectivè in nostros, & Sedis Apostolicae Notarios (sine tamen praedictio Dilectorum filiorum Notariorum de numero participantium) Apostolica auctoritate tenore praesentium recipimus, ac Sacri Palatii, & Aulae Lateranen. Comites, necnon auratae Militiae Equites, ac Nobiles Romanos, & Urbis Romae, ac Civitatum Avenionen. Bononien., Ferrarien., & Beneventan., omniumque, & singularum aliarum Civitatum, Terrarum, & locorum Romanae Ecclesiae mediatae, vel immediate subsectorum Civis cum omnibus juribus, jurisdictionibus, praerogativis, & insignibus debitis, & consuetis creamus, ac constituimus, ac in numerum, & consortium aliorum nostrorum, & ejusdem Sedis Notariorum, necnon Palatii, & Aulae hujusmodi Comitum, Equitum, & Nobilium Romanorum, aliorumque Civium Civitatum, & Terrarum praedictarum referimus, & conscribimus Vobisque, etiam si habitum, & rochetum Notariorum dictae Sedis juxta decreta Lateranen. Concilii novissimè celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, & facultati-

Exordium à solito favore, & gratias elargiendi Familiaribus Pontificis.

Motu proprio eisdem Familiaribus creat Proto-notarios, Comites Palatinos, Equites Nobiles Romanos & Civis Urbis, aliarumque Civitatum Electionis Ecclesiasticae.

bns

Nomina Familiarium Sanctitatis Suz.

Concilio Tridentini reformationem præservat, ac in aliquibus privilegiis restingit.

Insignia gentilitia suae Sanctitatis concedit.

Eximit à Decimis, impositionibus, taxis, aliisque tributis durante servitio.

bus, exemptionibus, immunitatibus, libertatibus, favoribus, gratiis, & indultis, quibus ceteri omnes Notarii nostri, etiam de numero participantium, ac Comites, Equites, & Nobiles (citra tamen exemptiones à Sacro Concilio Tridentino sublatis, ita ut nedum quoad criminalia, sed etiam quoad civilia subiaceatis Ordinariis, ac citra facultates legitimandi, ad gradus promovendi, Notarios, seu Tabelliones creandi, aliaque hujusmodi privilegia à Notariis, & Comitibus præfatis prætenfa; ita ut illis nullibi uti valeatis, ac irritum, & inane existat quidquid fecus per vos, aut quemlibet vestrum respectivè attentari contigerit) necnon Cives originarii, etiam in dignitatibus, beneficiorum, & officiorum Ecclesiasticorum, ac secularium; etiam ex personis Romanorum Civium originariorum vacantium asecutione, & exercitio tam in Urbe, quam in omnibus, & singulis Civitatibus prædictis, & aliis ubique locorum, & gentium, necnon sessionum, & conventuum utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & æquè principaliter, ac si privilegia, facultates, exemptiones, gratia, & indulta hujusmodi pro vobis emanassent, uti, potiri, & gaudere, & in omnibus, & singulis Apostolicis, aliisque literis, instrumentis, & scripturis publicis, & privatis deinceps nomine vestro conficiendis Notarios, Comites, Equites, & Nobiles, ac de nobili genere ex utroque parente procreatos, necnon Romanorum, & aliarum Civitatum, & Terrarum Cives, prout libuerit, vos inscribere, & illis subscribere valeatis, ac pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque, qualecumque illud fuerit, cum iis suscriptionibus subreptitium, vel obreptitium, aut invalidum, sed illud idem efficax in omnibus censetur; necnon honoris causa Insignia gentis nostræ sive integrè, sive cum vestris respectivè composita gestare possitis, prout vobis placuerit, concedimus.

§. 1. Et insuper vos, vestraque beneficia, & officia Ecclesiastica quæcumque, quotcumque, & qualicumque; illorum fructus, res, & jura ubicumque locorum, Regnorum, & Provinciarum, necnon in Urbe, Civitatibus, Terris, & locis eidem Romanæ Ecclesiæ mediatè, vel immediatè subjectis consistentia, prædia, domos, possessiones, & bona patrimonialia, aliaque temporalia mobilia, & immobilia, ac semoventia, necnon actiones, & jura præsentia, & futura cujuscumque qualitatibus, quantitatibus, & naturæ, ac cujusvis etiam annui valoris, fructus redditus, & proventus hujusmodi sint, vel fuerint, ac etiam quæcumque à vobis vendenda, ac pro vestris, ac familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidii, etiam charitativis, necnon vectigalibus, portoriis, tributis, datis, pedaggiis, collectis, & quocumque alio nomine nuncupatis angariis, perangariis, cæterisque oneribus, & contributionibus tam urbanis quam rusticis, ordinariis, & extraordinariis realibus, personalibus, & mixtis, etiam ratione munitionum mœnium, & pontium, portarum, & molinarum, seu passus, & vecturæ, etiam in aliud territorium, seu Provinciam, Terra, Mari, & Flumine, necnon equorum mortuorum, stabulationum Militum, institutionis Seminarii Ecclesiastici, aut quæcumque alia quantumvis gravi, & gravissima causa (pro subventionem contra Infideles dumtaxat excepta) nunc, & pro tempore impositis, ita quod vos, & quilibet vestrum nihil omnino

horum, aut aliorum similium subire teneamini, nec per Camera Apostolicæ, aut alios Commissarios, seu vectigalium, & tributorum hujusmodi redemptores, conductores, & exactores quocumque privilegio, exemptione, & facultate suffultos alias quam, ut præferretur, valeatis coartari (quamdiù servitiis nostris insisteritis dumtaxat) eximimus, & liberamus.

§. 2. Ad hæc vobiscum, & cum quolibet vestrum respectivè; ut quæcumque duo dissimilia, vel simplicia similia sub singulis tribus tectis quarumcumque trium Cathedralium, etiam Metropolitanarum, aut aliarum etiam Collegiarum Ecclesiarum consistentium, etiam si unum ex illis omnibus cum curâ, aut dignitas etiam major, & principalis, Canonicatus, & præbenda, personatus, administratio, vel officium fuerit, & ad dignitatem, personatum, administrationem, officium hujusmodi consueverit quis per electionem assumi, eique cura etiam jurisdictionalis imminet animarum, si alicui vestrum alias canonicè conferantur, aut quisque vestrum eligatur, præferretur, aut alias assumatur ad illa, & instituantur in eis, recipere, & dummodò illa omnia (uno excepto) personalem residentiam non requirant, insimul quoad vixeritis retinere; necnon etiam, quamdiù Nobis inservieritis tantum, in beneficiis Ecclesiasticis, etiam curatis (non tamen Parochialibus, nec Curatis cura animarum Parochianorum) per vos pro tempore respectivè obtentis, etiam de jure, statuto, fundatione, vel privilegio personalem residentiam requirentibus, etiam si dignitates in Cathedralibus, etiam Metropolitanis post Pontificalem majores, ac Collegiatas Ecclesiis hujusmodi principales fuerint, personaliter residere non teneamini, nec per locorum Ordinarios, aut Ecclesiarum earundem Capitula, seu quovis alios ad residendum interim in illis inviti compelli possitis, omnesque, & singulos nihilominus vestrorum beneficiorum obtentorum fructus, redditus, & proventus, durante servitio prædicto, cum eâ integritate (distributionibus quotidianis dumtaxat exceptis) cum quâ illos perciperetis, si in eisdem Ecclesiis, sive locis personaliter resideretis, percipere, exigere, & levare; ac interim, vel postmodum, si volueritis, in Romana Curia, vel extra eam à quocumque, quem malueritis, Catholico Antistite gratiam, & communionem ejusdem Sedis habente, quem duxeritis eligendum, ad omnes etiam sacros, & Presbyteratus ordines aliquibus tribus Dominicis, vel aliis festivis diebus, etiam extra tempora à jure statuta, proprii Ordinarii, aut cujusvis alterius licentiâ desuper minime requisitâ, si alias ad id idonei reperti fueritis, super quo Antistitis conscientiam oramus, promoveri, & promoti in illis etiam in altaris ministerio ministrare, necnon, etiam si Presbyteri fueritis, ac dignitates, & officia obtinueritis, leges, & jura civilia, etiam publicè in scholis, & Universitatibus studiorum generalium ad quinquennium dumtaxat, dummodo trigessimum ætatis annum non excesseritis, audire, & si habiles, & sufficientes reperti fueritis, etiam ad Doctoratus gradum in hujusmodi facultate vos promoveri facere, ipsaque jura etiam publicè docere, atque Judicis, Advocati, & Procuratoris officium in causis Ecclesiasticis, & civilibus tantum exercere liberè, & licitè possitis, & valeatis, auctoritate, & tenore prædictis de specialis dono gratiæ dispensamus. Liceat quoque vobis, & cuilibet vestrum aliquem idoneum, & approbatum ab Ordinario Presbyterum secularem, vel cujusvis Ordinis Regularem in vestrum eligere Confessorem, qui vitâ cujuslibet vestrum comite vos, & quemlibet vestrum à quibusvis excommunicationis, suspensionis, & interdicti, aliisque

Concedit Indultum recinendi duo Beneficia sub eodem tecto in tribus Ecclesiis.

Indultum non residentis, ac percipiendi fructus in absentia quousque durat servitium.

Indultum completo adhuc servitio suscipiendi Ordines extra tempora, & sine licentiâ Ordinarii.

Indultum audiendi jus Civile, illudque docendi, & causas Ecclesiasticas, & Civiles patrocinandi.

Eligendi Confessorum, qui à censuris, & reservatis absolvi, & vota commutare possint, cum aliquibus tamen restrictionibus.

Eccle-

Ecclesiasticis sententiis, censuris, & pœnis à jure, vel ab homine quavis occasione, vel causâ latis, & per vos incurtis, & quibus vos etiam Apostolicâ auctoritate illaqueari contigerit, etiam si absolutio Nobis, & successoribus nostris Romanis Pontificibus pro tempore existentibus specialiter, vel generaliter reservata existat, & quorumcumque votorum, & Ecclesiæ præceptorum transgressionibus, homicidio casuali, manuum violentarum in quasvis personas, etiam Ecclesiasticas (non tamen Episcopos, vel alios superiores Prælatos) de præterito injectionibus, seu consilii, vel favoris ad id præstationibus, jejuniorum omissionibus (non tamen recitationis horarum Canoniarum, aliorumque Divinorum Officiorum) & denique ab omnibus, & quibuscumque aliis vestris peccatis, criminibus, & excessibus, ac delictis quantumcumque gravibus, & enormibus, etiam talibus, propter quâ Sedes prædicta meritò consulenda foret, videlicet à contentis in literis die Cœnæ Domini publicari consuevit, semel tantum in vitâ, & mortis articulo; in reliquis verò dictæ Sedi quomodocumque reservatis, aliisque quibusvis casibus semel in anno, confessionibus vestris diligenter auditis (sine tamen alicujus præjudicio) auctoritate Apostolica absolvere, & vobis pro commissis penitentiam injungere salutarem, necnon vota quæcumque (ultramarino, visitationis liminum Beatorum Petri & Pauli Apostolorum, castitatisque, & Religionis votis dumtaxat exceptis) in alia pietatis opera commutare valeat.

§. 3. Vobisque ulterius, & cuicumque vestrum respectivè, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personæ in Dignitate Ecclesiastica constitutæ tam in dictâ Curia, quam extra eam, ad id per vos respectivè coram Notario, & Testibus fide dignis eligendi, seu eligendæ, quascumque pensiones annuas vobis super mensarum Abbatialium, seu Capitularium, ac Episcopali, & Archiepiscopali, ac quorumcumque Beneficiorum Ecclesiasticorum cum curâ, & sine curâ secularium, & quorumvis Ordinum, & Militiarum regularium, etiam Hospitalis S. Joannis Hierosolymitani, quomodocumque, & qualitercumque qualificatorum fructibus, redditibus, proventus, juribus, obventionibus, & distributionibus etiam quotidianis, seu illarum loco fructus, redditus, proventus, jura, obventiones, & emolumenta vobis nunc, & pro tempore assignata, & reservata, ac reservanda, pro summâ videlicet trecentorum ducatorum auri de Camera quoad singulos vestrum, quândocumque alicui vestrum respectivè placuerit, simul, vel successivè in toto, vel in parte, etiam in cujuslibet vestrum mortis articulo, cassare, & extinguere, ac postquam cassatæ, & extinctæ fuerint, alias similes pensiones annuas super eisdem fructibus, redditibus, proventus, juribus, obventionibus, & distributionibus, & emolumentis, seu illarum loco, fructus, redditus, proventus, jura, obventiones, distributiones, & emolumenta hujusmodi usque ad summam, & quantitatem prædictam uni, vel pluribus aliis personis etiam per vos nominandis, etiam quæcumque, quotcumque, & qualiacumque beneficia Ecclesiastica obtinentibus, & expectantibus Clericis, seu Clericali caractere insigniri volentibus, etiam eis quoad vixerint, seu eorum Procuratoribus ad id speciale ab eis mandatum habentibus, iisdem modo, & formâ, quibus vobis assignatæ, & reservatæ, seu assignatæ, & concessa fuerint respectivè, etiam absque consensu eisdem pensiones solvere debentium, etiam illas, vel illa aliâ cassari, & reservari de novo faciendi facultatem non habueritis, ac pensiones, & fructus, reddi-

tus, proventus, jura, obventiones, ac distributiones, & emolumenta hujusmodi, etiam pluries cassata, & de novo assignata fuerint, usque ad summam, & quantitatem prædictam, etiam literis Apostolicis super reservationibus, & assignationibus hujusmodi non confectis, ac aliâ cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & pœnis in prioribus reservationibus hujusmodi concessis, & contentis, necnon cum subrogatione in quibusvis vestris juribus, etiam quoad quasi possessionem exigendi, in qua tunc eritis, integrè perfolvendas, servatâ tamen formâ Constitutionis sæc. rec. Innocentii Papæ XI. Prædecessoris Nostri super translationibus pensionum editæ, reservare, constituere, & assignare valeant, auctoritate, & tenore prædictis de speciali gratia indulgentus.

§. 4. Necnon etiam vobis, ut de omnibus, & singulis domibus, prædiis, possessionibus, terris, & locis, ac jurisdictionibus, cæterisque bonis mobilibus, & immobilibus, quæ tamen non sint Altaris, seu Altarium Ecclesiarum vobis commissarum ministerio, seu alicui speciali earundem Ecclesiarum Divino cultui, seu usui deputata, seu que moventibus, cujuscumque qualitatis, quantitatis, valoris, speciei, pretii, & conditionis existentibus, ac juribus, & actionibus ad vos ratione Ecclesiarum, etiam Cathedralium, & Metropolitanarum, quibus vos forsitan præesse contigerit, necnon Monasteriorum, Prioratuum, Præpositurarum, dignitatum, & aliorum quorumcumque Beneficiorum Ecclesiasticorum cum curâ & sine curâ secularium, & quorumvis Ordinum regularium, quæ etiam ex quibusvis concessionibus, & dispensationibus Apostolicis in titulum, commendam, administrationem, ac aliâ quomodolibet obtineritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum, ipsarumque pensionum annuarum super similibus fructibus, redditibus, & proventus vobis reservatorum, & assignatarum, ac reservandorum, & assignandarum, quos, & quas perceperitis, percipitis, & percipietis in futurum, necnon emolumentorum quorumcumque Romanæ Curie officiorum, & aliâ quomodolibet spectantibus, & pertinentibus, ac etiam de dictis proventus, fructibus, redditibus, & pensionibus annuis, necnon vestra, & cujuslibet vestrum industria, & labore quomodolibet, & undecumque, licitè tamen acquisitis, & acquirendis, ac aliâ etiam de muneribus, & officiis, quæ exercueritis, & vos exercere contigerit, & aliâ quavis occasione, vel causâ, seu contemplatione ad vos perventis, & perventuris, etiam si pecuniâ numeratâ, & localibus, gemmis, aliisque pretiosioribus rebus consistant, tam in dictâ Curia, quam extra eam ubique locorum, etiam penes Beneficia ipsa existentibus (quorum omnium qualitates, & veros etiam annuos valores, etiam si talia forent, quæ generali appellatione honorum, & suppellectilium non venirent, sed specialibus indigerent vocabulis, presentibus, ac si specificè, & singillatim exprimerentur, & denominarentur, pro sufficienter expressis, ac declaratis haberi volumus) usque ad summam sex milium ducatorum auri de Camera pro unoquoque vestrum, ac etiam de ipsis fructibus, redditibus, & proventus, & pensionibus debitis, & debendis (servatâ tamen formâ Constitutionum Apostolicarum jam editarum, & si quas deinceps edi contigerit super fructibus inexactis) etiam cumulativè, cum quibusvis aliis similibus, vel dissimilibus facultatibus habitis, & habendis, tam pro decentibus, & honestis impensis funebribus

Indulgentiam
restandi, &
quomodolibet
disponendi usque
ad summam
sex mille ducatorum auri
de Camera,
etiam sine
solemnitatibus.

Facultatem
indulget
transfere
di Pensiones
etiam alias
translatas usque
ad summam
tercentorum ducatorum auri
de Camera.

quam, etiam pro remuneratione illorum, qui vobis viventibus servierint, etiam ultra servitii meritum, ac in vestrorum consanguineorum, & affinium, ac quorumcumque locorum piorum favorem, & usum, ac alias pro arbitrio, & voluntate vestris, & cujuslibet vestrum absolutis testari, & testamento, codicillis, & fideicommissis, legatis, donationibus tam inter vivos, quam causâ mortis, & aliis quibuscumque modis, & titulis, scripturâ etiam minus solemnî, coram duobus, vel tribus testibus, aut etiam cedula sola manu vestra scriptâ, vel subscriptâ, & aliâ in omnibus, & per omnia, prout & quomodolibet vobis videbitur, etiam in ipsâ Curia, & in mortis articulo, etiam nullâ factâ mentione presentis, vel aliarum vobis pro tempore concessarum similiarum facultatem, aut quod in vim illarum testari, seu disponere velitis, & intendatis, semel, atque iterum, aut pluries disponere, statuere, & ordinare, ita ut quicquid testatum, gestum, aut ordinatum seu aliâ dispositum à vobis fuerit, etiam in vim simplicis distributionis, ac aliâ omni alio meliori modo valeat, & servari debeat, ipsaque testamenta, codicillos, & dispositiones, ordinationes, legata, & statuta pluries, ac toties, quoties vobis videbitur moderari, limitare, ac etiam in totum revocare, & alia de novo condere liberè, & licitè valeatis, auctoritate Apostolica eorundem tenore presentium plenam, & liberam concedimus facultatem.

•Liberat à spolio, & vult in casu obitus ab intestato bona deferri ad heredes sanguinis, nisi que deficientibus ad Familiâres, qui fuerint nominati.

Confirmat dispositiones, quæ super Bonis fieri contigerit, necnon illarum supplet defectus.

Inhibet, ne molestentur Universitates, Hæredes, Legatarii, & Executores occasione dictionum dispositionum.

§. 5. Et insuper statuimus, & ordinamus, vobisque indulgemus, quod si vos ab intestato, & sine ullâ, vel cum minus validâ bonorum, & rerum, ac fructuum, reddituum, & proventuum prædictorum dispositione in dictâ Curia, vel extra eam tam continuâ, quam interpolatâ inibi cujuslibet vestrum respectivè mansione, ac etiam extra beneficia vestra, vel alia loca debita à vobis residentia personalis, etiam nullâ subsistente causâ, ab humanis decedatis, omnia, & singula bona, res, & jura etiam, ut præfertur, qualificata, necnon spolia cujuscumque quantitatis, & valoris existentia, etiam ex prædictis, & aliâ undecumque provenientia ad Cameram Apostolicam, seu in dictis beneficiis successores non pertineant, sed ad heredes vestri sanguinis integrè deveniant, & illis deficientibus inter familiares vestros arbitrio personæ, seu personarum, quas ad id scripto nominaveritis, distribuantur, nisi de aliâ dispositione, vel intentione vestrâ, scripturâ etiam minus solemnî, secus appareret, quam tunc velut efficacem ipsæ personæ, vel alii Judices, seu executores omnino exequi, & adimplere, illique se conformare in omnibus, & per omnia debeant. Et nihilominus quæcumque hujusmodi testamenta, legata, donationes, dispositiones, & alia forsân à vobis, etiam nullâ, vel minus sufficienti facultate suffultis de hujusmodi bonis, juribus, & actionibus, fructibus, pecuniis, jocalibus, aliisque rebus prædictis, in favorem consanguineorum, & affinium prædictorum, & aliâ quomodolibet factâ cum omnibus inde secutis, ac etiam ea, quæ per vos in futurum fient, ex nunc, prout ex tunc, & contra pro dictâ sex milium ducatorum approbamus, & confirmamus, omnesque, & singulos juris, & facti, ac solemnitarum omillarum, & omittendarum, necnon substantiales, aliosque defectus quoscumque, si qui intervenerint, aut intervenerunt in eisdem, etiam si tales sint, vel fuerint, quod specialis, specifica, & expressa de illis mentio presentibus habenda esset, supplemus. Districtius inhibentes quibusvis Archiepiscopis, Episcopis, aut aliis Ecclesiarum Prælatibus, necnon Cameræ prædictæ Præsidentibus Clericis, ac eorum, necnon Fabricæ Basilicæ Principis Apostolorum de Urbe, ac

Cruciata Sanctæ, & aliis Collectoribus, & Subcollectoribus, ceterisque cujuscumque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis majoris, aliisque Ecclesiasticis sententiis, censuris, & penis, ne Universitates, Collegia, ac loca, & legatarios, hæredes, & personas, necnon testamentorum, voluntatum, & ordinationum hujusmodi executores prædictos directè, vel indirectè quovis quasito colore, vel ingenio molestare audeant quoquo modo, vel perturbare.

§. 6. Ac decernentes prædicta omnia, & singula, præsentisque literas, & testamenta, donationes, codicillos, fideicommissa, legata, ordinationes, derogationes, dispositiones, & alia quæcumque, necnon quæ in præmissis facta sunt, aut fieri contigerit tam vigore presentis, quam etiam aliarum concessarum vobis factarum, & deinceps in genere, & in specie faciendarum cum inde secutis, & secuturis, etiam si vos intra Curiam, aut in quacumque aliâ Mundi parte extra Ecclesias, & beneficia personalem residentiam requirentia qualitercumque qualificata per vos nunc, & pro tempore obtenta, etiam pro vestrâ sola voluntate, & nullâ subsistente causâ non residendi, ab humanis decedere contigerit, sub literis rec. me. Pii Papæ IV. prædecessoris patris nostri contra quoscumque Episcopos, Archiepiscopos, & alios Prælatos, necnon Parochialium Ecclesiarum Rectores, ceterosque residentiam personali prædictæ adstrictos extra illam quomodocumque decedentes septimo Kalen. Decembris Pontificatus sui anno quinto, aut alio veriori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, Decretis, declarationibus Apostolicis, Cancellariæ Apostolicæ Regulis ex quibuscumque causis, quantumcumque maximis, urgentibus, & inexcogitabilibus, etiam in favorem fidei, & divini cultus augmentum, ac consistorialiter etiam à Nobis, & Sede prædictâ hæcenus, vel nunc, & pro tempore factis, & editis minime comprehendendi, sed semper ab illis excepta, & quoties emanata fuerint, toties in pristinum, & validissimum statum, & etiam sub posteriori datâ, etiam cum derogationibus, & clausulis, etiam derogatarum derogatoris, irritantibusque, & aliis Decretis per vos eligendâ apponendis, & latissimè specificandis reposita, restituta, & plenariè reintegrata, ac de novo concessa, validaque, & efficacia fore, necnon perpetuâ firmitate subsistere, suosque plenarios, & omnes effectus, quos de jure, stylo, consuetudine, aut aliâ quomodocumque sortiri poterunt, ac vim veri, legitimi, jurati, stipulati, validi, & efficacis contractus inter vos ex una, ac Nos, & Cameram prædictam ex altera partibus habere, nec etiam per promotionem ad Ecclesiam Cathedralè, etiam Metropolitanam, aut translationem, vel aliam status, & personæ vestra mutationem cessare, nec per similes, vel dissimiles gratias vobis concessas, & concedendas confundi, sed ipsis cumulativè in omnibus, & per omnia uti, & si quid in una ex facultatibus hujusmodi defecerit, per aliam suppleri debere, nec hæredes, legatarios, ac loca, ad quos, seu quæ bona jura, & actiones hujusmodi devenerint, vel quibus relinquuntur, aut executores prædictos ad tertiam, seu aliam eorum partem, quam etiam ex nunc vobis, ac locis, hæredibus, legatariis, ac donariis prædictis liberaliter concedimus, & donamus, Cameræ, vel Fabricæ, aut beneficiis prædictis, etiam pro expeditione contra Infideles, & quibusvis aliis quantumlibet piis usibus solvendum, ac cum iis desuper componendum, vel

Clausula præservativa.

vel vos ad aliam particularem licentiam, sive indultum, aut confirmationem presentium à Nobis, vel successoribus nostris Romanis Pontificibus petendum, aut impetrandum, vel etiam in alia simili gratia, seu confirmatione illius vobis quomodocumque concedendi, de presenti mentionem aliquam faciendam ullatenus teneri, nec ad id ulla unquam necessitate cogi posse.

Clausula sub-
blata.

Executores
presentium
Literarum
designat.

§. 7. Et sic in præmissis omnibus, & singulis per quoscumque Judices ordinarios, & delegatos, etiam causarum Palatii Apostolici Auditores, & ejusdem S. R. E. Cardinales, necnon pro tempore existentes dictæ Camerae Camerarium, Præsidentes, & Clericos in quavis causâ, & instantiâ, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Quocirca Venerabilibus fratribus nostris Oſtien., & Portuen. Cardinalibus Episcopis, & Dilecto filio Curiaë causarum Camerae Apostolicæ Generali Auditori per Apostolica scripta mandamus motu simili, quatenus ipsi, vel duo, aut unus eorum per se, vel alium, seu alios presentes literas, & in eis contenta quæcumque, ubi, & quando opus fuerit, & quoties pro parte vestra desuper fuerint requisiti, solemniter publicantes, vobisque in præmissis efficacis defensionis præsidio assistentes, faciant auctoritate nostra easdem presentes literas, & in eis contenta hujusmodi firmiter observari, ac vos illis omnibus pacificè frui, & gaudere, non permitentes vos per quoscumque quavis auctoritate fungentes contra earundem presentium tenorem quomodolibet indebitè molestari, inquietari, vel perturbari: Contradictores quoslibet, & rebelles per sententias, censuras, & pœnas Ecclesiasticas, aliaque opportuna juris, & facti remedia, appellatione postpositâ, compescendo, ac legitimis, super his habent. servatis processibus, censuras, & pœnas ipsas, etiam iteratis vicibus aggravando; invocato etiam ad hoc, si opus fuerit; auxilio brachii secularis.

Derogat
contrariis.

§. 8. Non obstantibus præmissis, ac piæ me. Bonifacii Papæ VIII. prædecessoris etiam nostri de unâ, & in Concilio generali editâ de duabus dietis, dummodo ultra tres dietas aliquis auctoritate presentium in iudicium non trahatur, necnon Lateranen. Concilii novissimè celebrati de certo Notariorum numero, etiam si ad illum nondum devenit fuerit, cui per hoc aliàs derogare non intendimus, ac de consensu præstando in pensionibus, & quibusvis aliis etiam per Nos, & Sedem prædictam editis, & in posterum edendis Cancellariæ Apostolicæ Regulis, ac stylo in similibus hæcenus observato, ac rec. mem. Alexandri Papæ VI. pariter prædecessoris nostri tertiam partem bonorum Ecclesiasticorum Camerae prædictæ deberi inter alia disponente, necnon ejusdem Bonifacii Papæ VIII. per quam concessionem fructus in absentia percipiendi sine prævisione temporis fieri prohibentur, ac Pii Papæ IV. prædecessoris etiam nostri de gratis quaecumque interesse Camerae Apostolicæ concernentibus in dicta Camera intra certum tunc expressum tempus presentandis, & registrandis, ita quod presentes in eadem Camera nullo unquam tempore registrari facere teneamini, ac similis rec. Urbani Papæ VIII. pariter prædecessoris nostri de pensionibus aliàs translatis iterum non transferendis, ac quorumvis aliorum Romanorum Pontificum prædecessorum nostrorum, & quibusvis aliis Apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & ordinationibus, necnon legibus, etiam Imperialibus, & municipalibus,

tam Urbis, quàm aliarum Civitatum, & locorum, in quibus Cives originarii creati existitis, & quarumvis Ecclesiarum, Monasteriorum, Ordinum, & Hospitalis prædictorum, necnon quorumvis Collegiorum, & officiorum dictæ Curiaë, & Regnorum, Provinciarum, & Urbis, ac aliarum Civitatum, & locorum, ac Camerae prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel ab aliis impetratis, aut aliàs quomodolibet concessis utendo vos per vos, vel Procuratores vestros præstiteritis forsan hæcenus, vel vos in posterum præstare contigerit juramentum, privilegiis quoque, indultis, & literis Apostolicis dictis Ecclesiis, Monasteriis, Ordinibus, & Hospitalibus, illorumque Præsulibus, seu Administrato-ribus, & Superioribus, ac Magistris, Præceptoribus, Prioribus, Militibus, etiam Antianis, Capitalis, Conventibus, Civitatibus, & locis, aliisque prædictis, ac illorum Communitatibus, & Universitatibus, aliisque personis, etiam particularibus, necnon Archiepiscopis, Episcopis, & aliis Ordinariis, etiam eisdem Cardinalibus, ac dictæ Curiaë Officialibus, illorumque Collegiis, ac etiam decimarum, pedagiorum, gabellarum, & onerum exactoribus, & appaltatoribus, & aliorum onerum redemptoribus sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis per quoscumque Romanos Pontifices prædecessores nostros, ac etiam Nos, & Sedem prædictam, etiam consistorialiter, ac de eorumdem Cardinalium consilio, etiam per modum statuti, & constitutionis perpetuorum, ac motu, & scientia similibus, deque Apostolica potestatis plenitudine, vel ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, ac aliàs quomodolibet etiam iteratis vicibus concessis, etiam si in eis, ac statutis, & stabilimentis prædictis caveatur expressè, vel tacitè, quod Urbis nisi originarii Civibus Romanis, ac Civium eorumdem filiis conferantur, quodque nonnullarum Ecclesiarum beneficia, nisi per personas illustres, vel nobiles, ac etiam originarios Cives, aut aliàs certo modo in illis expresso qualificatos obtineri non possint, & nulli in Cives Urbis, ac Civitatum, Oppidorum, Terrarum, & locorum hujusmodi admitti, seu illorum privilegiis uti possint, nisi prius in dictis Civitatibus, Oppidis, Terris, & locis per certum tempus, habitaverint, seu etiam in illis bona etiam stabilia forsan ad certum valorem ascendente possederint, quodque Præceptoris, & alia beneficia quaecumque dicti Hospitalis tam ex ejus institutione, quàm ex stabilimentorum prædictorum dispositione pensionibus Clericis secularibus, & aliis personis, etiam Apostolicâ auctoritate reservandis, gravari non possint, quodque stabilimentis, & privilegiis prædictis, etiam vigore implicitæ derogationis latissimè extendendæ, etiam per quascumque literas Apostolicas, & qualvis etiam derogatorias, efficaciores, & insolitas clausulas derogari non possit, nec derogatum censeatur, nisi derogatio hujusmodi de consilio Cardinalium eorumdem fiat, & tum demum Magistri, & Conventus prædictorum ad id accedat assensus, sintque literæ derogationis hujusmodi etiam per dictum Magistrum subscriptæ, ac illi, & præfato Conventui per diversas in forma Brevis, aut alias literas diversis temporibus cum certis intervallis presentatas intimatæ, & non

alias, nec alio modo, & semper in omnibus, quae sic fient etiam de simili consilio, derogationibus sit apposita clausula, quod illarum effectum fortiantur de consensu Magistri, & Conventus praedictorum, & non alias, nec alio modo; quodque ipsi exactores, & appaltatores decimas, pedagia, & onera huiusmodi, etiam ab exemptis exigere, & illos ad solutionem, seu contributionem cogere, & compellere possint, seu debeant. Quibus omnibus, illorum omnium tenores, ac si de verbo ad verbum inferentur, praesentibus pro expressis habentes, illis alias in suo robore permansuris, hac vice dumtaxat in genere, & in specie, ad effectum praesentium sufficienter, & expresse derogamus, ac derogatum esse decernimus; quodque vos primam non feceritis in Ecclesiis huiusmodi personalem residentiam consuetam, caeterisque contrariis quibuscumque.

Præscribit
quædam adimplenda
ante usum
Notariatus.

Mandat si-
dem haberi
Transumptis
harum Lite-
rarum.

Prohibet,
ne Indulta
testandi, &
pensiones
transferendi
suffragetur
his, qui alia
huiusmodi
Indulta obti-
nerunt.

§. 9. Volumus autem, quod antequam gratia creationis in nostros, & Sedis Apostolicæ Notarios vobis, ut supra, facta perferri valeatis, in manibus alicujus personæ in dignitate Ecclesiastica constitutæ professionem fidei juxta articulos pridem à Sede prædicta propositos expresse emittere, & solitum fidelitatis juramentum præstare omnino teneamini; Quodque præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides ubique adhibeatur in judicio, & extra, quæ adhiberetur ipsis præsentibus, si forent exhibitæ, vel ostensæ.

§. 10. Cæterum volumus pariter, atque decernimus, ut illis ex vobis, quibus similes testandi de bonis, ac pensiones transferendi facultates à Romanis Pontificibus prædecessoribus nostris, quorum respectivè etiam familiares continui commensales erant, & concessæ fuerint, præsentibus litera quoad facultates testandi de bonis, & transferendi pensiones huiusmodi minime suffragentur. Datum Romæ apud Sanctum Petrum sub Annulo Piscatoris die v. Aprilis MDCCI. Pontificatus nostri Anno Primo.

F. Oliverius.

VI.

C O N C E S S I O

Indulgentiæ Plenariæ Christianis Italici, & Insularum adjacentium, Divinam opem implorantibus pro Pace inter Principes Christianos.

C L E M E N S P A P A X I .

Ad futuram rei memoriam.

Q UOD jam pluries indictis publicè precibus à Patre misericordiarum supplici, devotaque humilitate flagitavimus, ut Regum, ac Principum Christianorum animos, sublatis discordiis, arcto, atque indissolubili charitatis vinculo conjungere dignaretur; id nunc præcipue, cum armorum strepitus in dies crescere, atque ad Christiani sanguinis effusionem, non sine maximo animi nostri dolore, ferme in circuitu Jerusalem deveniri conspiciamus, ferventiori spiritus ardore, majorique animi contentione faciendum censemus: ut Clementissimus Dominus, & Deus noster, qui facit pacem in sublimibus, & Reges in thronis collocat, fidelem Populum ab iracundiæ suæ terroribus liberet, nostrosque labores, & curas, ac spem, quam in ejus ineffabili bonitate collocavimus, optatæ cumule lætitiæ tranquillitatis. Nuper siquidem omnibus utriusque sexus Christianis verè penitentibus, & confessis, ac

sacra Communione refectis, qui aliquam ex certis à Nobis tunc designatis Almae Urbis nostræ Ecclesiis, seu Basilicis, in quarum qualibet per tres continuos dies Sanctissimum Eucharistiæ Sacramentum publicè fidelium venerationi expositum fuerat, devotè visitassent, ubique auxilium de Sancto in præsentibus Ecclesiæ, ac Christiana Reipublicæ urgentissimis necessitatibus invocassent, plenariam omnium peccatorum suorum Indulgentiam, & remissionem misericorditer in Domino concessimus. Nunc autem Divinam opem similibus Christiana pietatis operibus in universâ quoque Italia, & Insulis adjacentibus implorari cupientes; Venerabilibus fratribus Patriarchis, Archiepiscopis, & Episcopis, aliisque Ecclesiarum Prælati, & Ordinariis Civitatum, & Diocesium, Oppidorum, Terrarum, & Locorum universæ Italiae, & Insularum adjacentium huiusmodi; seu eorum Vicariis in spiritualibus Generalibus præsentium serie committimus, & mandamus, ut statimque ipsarum præsentium literarum transumpta, seu exempla, etiam impressa, ad eos pervenerint, in aliquibus suarum respectivè Civitatum, & Diocesium, Oppidorum, Terrarum, & Locorum Ecclesiis per eos designandis memoratum Sanctissimum Eucharistiæ Sacramentum feriis sextis, ac Sabbatis, & Dominicis duarum continuarum Hebdomadum publicè pariter fidelium venerationi exponi curent: Nos enim de Omnipotentis Dei misericordiâ, ac Beatorum Petri, & Pauli Apostolorum ejus auctoritate confisi, omnibus utriusque sexus Christianis, qui aliquam ex Ecclesiis huiusmodi eo tempore, quo idem Sanctissimum Sacramentum publicè venerationi ibidem sic expositum fuerit devotè visitaverint, ac aliquo ex illis Sabbatis jejunaverint, & verè penitentes, ac confessi die Dominicâ immediatè sequenti Sabbatum huiusmodi sacra Communione refecti fuerint, ac in eisdem Ecclesiis ante prædictum Sanctissimum Sacramentum per aliquod temporis spatium, prout unicuique suggeret devotio, pias ad Deum preces effundendo Divinam opem pariformiter invocaverint, plenariam omnium peccatorum suorum Indulgentiam, & remissionem similiter concedimus, & largimur. Regularibus verò utriusque sexus in clausurâ viventibus, qui pariter uno ex dictis Sabbatis jejunaverint, eorumque respectivè Ecclesiis in aliquo ex memoratis diebus visitaverint, ac verè penitentes, & confessi, Sacraque Communione in aliquâ ex Dominicis huiusmodi refecti, Deum, ut supra, oraverint, ut eandem plenariam Indulgentiam, & peccatorum remissionem consequantur, indulgemus. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra habeatur, quæ præsentibus ipsis haberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die xxix. Julii, Pontificatus nostri Anno primo.

F. Oliverius.

Anno à Nativitate D. N. Jesu Christi MDCCI. Indictione nona, die verò 30. Mensis Julii, Pontificatus autem Sanctiss. in Christo Patris, & D. N. D. Clementis Divina Providentia Pape XI. anno primo, supradictæ literæ affixæ, & publicatæ fuerunt ad valvas Basilicarum Lateranensis, Principis Apostolorum, & S. Marie Majoris de Urbe, in Monte Citorio, & in Acie Campi Floræ, aliisque locis solitis, & consuetis Urbis per me Jo. Philippum Castiglia Sanctiss. D. N. Pape Curf. Sebastianus Vafellus Pro Curf. Mag.

EXTEN-